

四庫全書存目叢書編纂委員會編

齊魯書社

四庫全書存目叢書

史部
第一四五冊

責任編輯：孫言誠 賀 偉

ISBN 7-5333-0535-3



9 787533 305352 >

EB46/07

四庫全書存目叢書·史部一四五

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

廣東精裝印務有限公司印製

787×1092毫米 16開本 50.875印張

1996年8月第1版 1996年8月第1次印刷

印數1—100

ISBN 7-5333-0535-3

Z·37 史部定價：87600圓

史部第一四五冊目次

史部·史鈔類

雪廬讀史快編六十卷(二)

〔明〕趙維寰輯

首都圖書館藏明天啓四年刻本

.....

雪廬讀史快編六十卷(二)

〔明〕趙維寰輯

首都圖書館藏明天啓四年刻本

雪廬讀史快編卷十

讀後漢書

宋順陽范曄本

明當湖趙維寰節

列傳

方術

任文公

任文公巴郡人也精天官術能前知嘗爲治中從事會大旱白刺史曰五月一日當有大水須亟備刺史不聽文公獨儲大船以俟至日酷烈文公促令裝載刺史笑之日將中雲起須臾狂雨驟集水涌十餘丈

讀史快編

卷十

一

壞廬舍殺數千人

王莽居攝文公占知大亂將作乃課家人負物百斤環舍疾走日數十迴人莫知其故後四方兵起逃亡鮮脫者惟文公大小負糧捷步悉得免公孫述時蜀武擔石折文公曰嘻西州知士死吾乃當之自是常會子孫設酒食爲燕樂未幾卒

郭憲

憲字子橫王莽聞其名嘗召拜郎中賜衣服憲受而焚之逃匿東海建武中仕爲光祿勳從駕南郊憲在位忽含酒向東北三潏執法劾之詔問故憲對曰齊

國失火故以此厭之耳未幾齊果上言火災正郊日也上議西征隗囂意諫未可上不聽已至隴頽川盜起上急還歎曰悔不用郭子橫之言

許楊

汝南許楊精術數建武中太守鄧晨欲修復鴻卻陂聞楊曉水脈召與議楊曰昔成帝用翟方進言毀陂尋夢上天天帝怒曰何故敗我濯龍淵時有謠歌曰敗我陂者翟子威飴我大豆烹我芋魁反乎覆陂當復明府典復之將應謠言誠便晨即使楊典其事楊爲起塘四百餘里累歲大稔豪右大姓惡之共譖楊

讀史快編

卷十

三

王喬

顯宗時王喬爲葉令每月朔望常自縣詣臺朝帝怪其來數而不見車騎令太史伺之言喬來他無有惟雙鳧從東南飛至於是候鳧至舉羅張之但得一雙鳧詔上方詆視則四年中所賜尚書官屬履也每當朝日葉門下鼓不擊自鳴行於京師其後天忽下一玉棺堂前吏人推排不能動喬曰天帝召我遂沐浴

更服寢其中蓋立覆葬城東土自起成墳其夕縣中牛皆流汗喘乏而人無知者帝後取其鼓置都亭下寂無聲或云卽古仙人王子喬也

謝夷吾

夷吾字堯卿烏程長有贓罪太守第五倫使夷吾案之夷吾行縣無所案但望閣一哭而還縣人駭莫得其故及還白倫曰長當死近三十日遠不過六十日游魂假息非刑所加願勿復收倫未信月餘驛馬以長印綬至曰某日長暴卒

李卻

讀史快編

卷十

三

卻字孟節初爲縣幕門候吏和帝時嘗分遣使者徵服單行至各州縣觀採謠俗有二使當到益部投卻候舍適夏夕露坐卻仰觀問曰二君發京師時寧知朝廷遣二使耶二人默然詭應曰不聞也何以知之卻指星示云此二使星向益州分野故知之耳二人亦不言而去

後三年其使者一人拜漢中太守卻時猶爲吏太守心奇之召署戶曹使大將軍竇憲內妻郡國俱往賀郡亦欲遣使卻諫曰竇氏恣橫危亡立可袞矣願明府勿與通太守固遣卻乃請自行故所在遲留以觀

其變行至扶風而憲已就國自殺諸交通者皆連逮
惟太守以不預得免

段翳

翳字元章精占候有一生來學積年自謂得其術解
歸里翳爲合膏藥并作簡書封筒中臨行付生囑曰
有急可發視生到葭萌與吏爭渡吏乃撻破從者頭
生急開筒得書云到葭萌與吏鬪頭破者裹以此膏
卽愈生始歎服以爲不及

折像

像字伯式其先爲折戾因氏焉父國有貲財二億家

讀史快編

卷十

四

僮八百人像通京氏易好黃老言父卒感多藏厚亡
之義盡散其金帛貲產施賑貧乏或謂像曰君三男
兩女孫息盈前當增益產業何坐自殫竭乎像曰關
子文有言我乃逃禍非避富也吾家殖財日久盈滿
道家所忌今世將衰子又不才不仁而富墻隙而高
其崩必矣吾以是薄其禍也知者服其超識

樊英

英字季齊博學精數隱於壺山之陽舉賢良方正有
道皆不應順帝永建中以策書玄纁徵復不應詔
責郡縣英乃不得已行及到京復稱病強與入殿然

禮猶不屈帝怒曰朕能生君能殺君能貴君能賤君
能富君能貧君君何慢朕英對曰臣受命於天生盡
其命天也死不得其命亦天也陛下焉能生殺臣臣
見暴君如見讐立其朝猶不肯可得而貴乎雖布衣
環堵不易爲乘之尊又可得而賤乎陛下又焉能貴
賤臣臣非禮之祿萬鍾不受申其志簞豆不服陛下
又焉能富臣焉能貧臣帝不能屈尋以病罷歸英嘗
西向漱水以減成都市火故以方術顯

公沙穆

北海公沙穆家貧力學自爲兒童不好戲弄嘗居建

讀史快編

卷十

五

成山依林阻爲室獨宿無侶一夕忽暴風震雷有聲
自外呼穆者三穆不應頃之呼者自牖入音狀甚怪
穆誦經自若恬弗顧妖亦尋滅

單颺

熹平末黃龍見譙時單颺明天官術光祿大夫喬玄
問颺此何祥也颺曰其國當有王者興不及五十年
龍當復見此其應矣魏郡人殷登密記之至建安二
十五年春黃龍復見譙是冬魏受禪

郭玉

和帝時郭玉爲太醫丞多効驗帝奇之嘗令一嬖臣

美手腕者與女子雜處帷中使玉各診一手問所疾苦玉曰左陰右陽脈有男女次若異人臣竊疑之帝歎息稱善王之術行於貧賤無不立効而於貴人時或不愈帝每令貴人羸服變處致之一針立差

華陀

譙人華陀精方術年百歲而有壯容其處劑不過數種心識分銖不假稱量針灸不遇數處若疾結於內針藥不能及今先以酒服麻沸散既醉無所覺因剖腹破背抽割聚積若在腸胃則斷絕湔洗除去殘惡已而縫合傳以神膏四五日創愈經一月平復如恒

讀史快編

卷十

太

其治療多奇中難枚舉志其二

河南太守劉勲有女年二十五左脚膝上有瘡癢而不痛創發數十日愈愈已復發如此者七八年迎陀視之曰易耳爲用稻糠色犬一好馬三以繩繫犬頸走馬牽犬馬困輒易計馬走犬三十餘里犬不能行復令人拖曳約可五十里乃以藥飲女女即安臥不知人因取犬斷腹近後脚之前所斷之處向創口令去三二寸停之須臾石若蛇者從創中出便以鐵錐貫蛇頭蛇在皮內搖動良久須臾不動乃牽出長三尺許純是蛇但有眼而無瞳子又逆鱗再以膏散著

創中凡七日愈

有一婦人病經年世謂寒熱注病冬十一月陀令坐石槽中用寒水汲灌云當滿百始七八灌婦戰欲死灌者懼陀令滿數至將八十灌熱氣乃蒸出驚驚高二三尺許既滿百灌陀乃然火溫牀厚覆之良久汗浹出著粉汗疹病旋愈

有一郡守病久且篤陀視之以爲盛怒則差乃直受其僇而不加治棄去又留書罵之太守大怒令人追陀不及喚恚甚因吐血數升而愈時曹操積苦頭風眩聞陀召之陀爲下針隨手輒愈陀後爲操所殺

讀史快編

卷十

七

費長房

費長房汝南人也曾爲市掾市中有老翁賣藥獨懸一壺市罷輒跳入壺中市人莫見惟長房於樓上見之異焉因往拜翁知長房意謂曰子明日更來長房如期往翁乃與俱入壺中惟見玉堂嚴麗旨酒甘味盈其中共飲畢而出翁戒勿洩其後翁謝去曰子能相隨乎樓下有少酒與卿爲別長房使人取酒不能勝令十人扛之猶不勝翁乃笑下樓以一指提之上器如升許而二人飲終日不盡長房遂欲從往求道顧家人爲憂翁乃斷一青竹與長房身齊使懸之舍

家人見之乃長房身也以爲縊死驚號殯之長房時立其旁而莫之見於是遂隨翁入深山歷試之蛇虎中不動翁以爲可教已乃使食糞糞中有三蟲吳穢特甚長房心難之翁曰子幾得道恨於此不成如何長房乃辭歸翁與一竹杖曰騎此任所之自至矣既至其投杖葛陂中又授一符曰以主地上鬼神長房遂乘杖歸未幾至自謂去家若旬日而已十年餘矣投杖陂中顧之龍也家人謂已死不信長房曰往所葬乃竹杖耳發冢視之果竹杖自是遂能鞭笞百鬼驅使社公嘗獨坐悲怒人間之曰吾責鬼魅之犯法

讀史快編

卷十

八

者遠近諸邪妖無不屏息一日東海君來見葛陂君因淫其夫人長房劾繫之三年而東海大旱長房至海上見人請雨不得謂曰東海君有罪向繫葛陂今當出之使作雨於是雨立注又嘗飯客而市鮓於宛須臾立辦一日問人常見其在千里外云

繆子訓

繆子訓不知何許人建安中嘗駕驢車與諸生俱詣許下道過滎陽止主人舍而所駕驢忽僵死主白之子訓安坐飯畢徐出以杖叩驢應聲起行步如初及至京公卿多往候坐常滿必設酒脯終日不置後忽

遁去初去日唯見白雲騰起從旦至暮如是者數十處時有百歲翁自言童兒時見子訓賣藥會稽市顏色不異今後有人復見之長安東霸城與一老翁共摩銅人相謂曰適見鑄此而已五百歲矣顧見人即去猶駕昔所乘驢車也見者並呼曰繆先生云

左慈

左慈字元放有道術嘗在曹操坐當宴客操曰今日珍羞畧備獨少松江鱸耳慈應曰此可得因求銅盤貯水以竿餌釣盤中須臾引一鱸出一坐皆驚操大笑曰一魚不能周坐客可更得乎乃更沈餌連引出

讀史快編

卷十

九

皆長三尺許操又謂曰喜得魚恨無蜀中生薑慈曰易致也操恐其近取即曰吾前遣人到蜀買錦便勅使者增市二端少頃得薑并獲操使報命及操使蜀反驗問增錦之狀其時日蚤晚若符契也後忤操操欲收殺之慈乃卻入壁中霍然不知所在有見於市者捕之市人皆變形與慈同莫知誰是後又見於陽城山頭逐之忽走入羊羣操知不可得乃就羣羊告曰不復相殺本試君術耳中一老羝立而言曰遽如許即競往赴之而羣羊悉變爲羝並人立云遽如許竟莫知所取

逸民

野王二老

野王二老不知何許人鄧禹西征光武送之返而獵於野王見二老者卽禽光武問曰禽何向並舉手西指曰此中多虎臣每卽禽虎亦卽臣大王勿往也光武曰苟有其備虎亦何患二老曰何謬也昔湯卽桀於鳴條而大城於亳武卽紂於牧野而大城郊廓彼二王者備非不深也是以卽人者人亦卽之雖有備庸可忽乎光武悟其旨顧左右曰此隱者也將用之辭而去莫知所在

讀史快編

卷十

十

向長

向長字子平朝歌人也通老易家貧乏食及人餽之又僅取給而返其餘王莽時隱於家讀易至損益卦喟然歎曰吾已知富不如貧貴不如賤但未知死何如生耳建武中男女嫁娶既畢遂勅斷家事勿相聞曰當如我死於是與北海禽慶並遊五嶽名山不知所終

嚴光

嚴光字子陵少有高名與光武同遊學及卽位光變姓名隱去帝思之訪以物色後齊國上言有一男子

披羊裘釣澤中帝疑光也爲安車玄纁聘之三反而後至舍於北軍給牀褥大官朝夕進膳上卽日臨視會光臥未起帝卽其臥所撫光腹曰咄咄子陵不可相助爲理耶光仍眠良久張目熟視曰唐堯著德巢父洗耳士固有志何相迫乎帝歎曰子陵我竟不能下汝

讀史快編

卷十

十一

嚴光餘苑人

光始至時司徒侯霸使西臺屬侯子道先奉書道意光箕踞牀上抱膝發書讀訖問子道曰君房素癡今爲三公寧小差不子道曰位已踴足不癡也光曰造卿來何言子道口傳霸言欲卽造詣迫於典司願因日暮自屈光曰卿言不癡是非癡語耶我於天子尚不見見人臣乎子道求報光曰我手不能書當口授卿君房足下位至鼎足甚善懷仁輔義天下悅阿諛順旨要領絕使者嫌少光曰買菜乎求益也霸得之封奏上生笑曰狂奴故態猶爾

梁鴻

鴻字伯鸞家貧尚節介鄉里高其誼多欲妻之鴻並不許同縣孟氏有女狀肥醜而黑力舉石臼擇對不嫁至年三十父母問之曰欲得賢如梁伯鸞者鴻聞而聘之女求作布衣麻屨織作筐績之具及嫁始以裝飾入門七日而鴻不答妻乃跪牀下請曰竊聞夫子高義簡斥數婦妾亦偃蹇數夫矣今見擇敢不請罪鴻曰吾欲得人可與俱隱者耳衣綺縞傅粉墨豈鴻願哉妻曰以試君耳妾自有隱服乃更爲椎髻著布衣操作而前鴻大喜曰此真梁鴻妻也字之曰德

讀史快編

卷十

十三

曜名孟光

居有頃妻前請曰嘗聞夫子欲隱居避患今何默然將母低頭就之耶鴻曰諾遂共入霸陵山耕織自食詠詩彈琴以自娛慕前世高士爲四皓以來二十四人作頌先因東出關過京師作五噫之歌曰陟彼北芒兮噫顧覽帝京兮噫宮室崔嵬兮噫人之劬勞兮噫遼遼未央兮噫肅宗聞而非之求鴻鴻乃易姓運期名耀字侯光携妻子居齊魯間已復之吳鴻之入吳也依大家臯伯通居廡下爲人賃舂每歸妻爲具食不敢於鴻前仰視舉案齊眉伯通異之曰

彼傭能使其妻敬之如是必非凡人乃舍之家鴻潛閉門著書十餘篇已而病困告主人曰昔延陵季子葬子臯博之間慎勿令我子持喪歸也及卒伯通葬之吳要離塚旁謂其清誼相匹云

高鳳

南陽高鳳字文通少爲書生家業農畝而鳳專精誦讀書夜不輟妻嘗之田曝麥於庭令鳳護鷄會天暴雨潦水流去其麥鳳持竿誦經不覺也妻還怪問始覺後爲名儒郡太守辟召懼不免自言本巫家不應爲吏又許與寡嫂訟田以自污得免後以直言舉到

讀史快編

卷十

十三

公車卽託病還歸

韓康

康字伯休避世隱居常採藥名山賣長安市口不二價如是者二十餘年時有一女子從康買藥不知其爲康也康守價不移女子怒曰若豈韓伯休耶乃不二價乎康歎曰我本欲避名乃今小女子皆知有我遂遁入霸陵山去

桓帝聞康名爲聘以安車使者奉詔造康康不得已許諾乃辭安車自乘柴車冒晨先使者發至亭亭長以韓徵君當過方發人牛修橋道見康柴車幅巾以

爲田叟也奪其牛康卽解駕與有頃使者至始知奪牛翁卽徵君也使者怒亭長將奏治康曰此是老子與之亭長何罪乃止未幾中道逸去

漢濱老父

漢濱老父不知何許人桓帝幸竟陵過雲夢臨沔水百姓聚觀如堵時有一老父獨耕不輟尚書郎張溫異之使問曰人皆聚觀老父獨耕不輟何耶老父笑而不答溫下道百步自與言老父曰我野人耳不達若語請問天下亂而立天子耶理而立天子耶立天子以安天下耶將勞天下以奉天子耶子之君勞人讀史快編 卷十 十四

陳畱老父

陳畱老父不知何許人桓帝時黨事起外黃令張升去官歸里道逢友人共班草而言升曰宦豎日亂枉陷忠良賢人君子其去朝乎德之不建人之無援將性命之不免奈何因相抱而泣時一老父趨其前植杖太息曰吁二大夫何泣之悲也夫龍不隱鱗鳳不藏羽網羅高懸去將安之雖泣何及二人趨與語不顧而去

龐公

襄陽龐公隱居峴山南釋耕壟上荊州刺史劉表數延請不能致乃就候之謂曰先生良苦後何以遺子孫公曰世人皆遺之以危吾獨遺之以安雖所遺不同未爲無所遺也表歎息而去公尋携妻子遁入鹿門山採藥不返

諸葛孔明每至德公家獨拜牀下公初不令止司馬德操嘗詣德公值其度西掃墓德操徑入其室呼德公妻子使速作黍徐元直向云當來就我與德公談其妻子皆羅拜堂下奔走設食須臾德公還直入讀史快編 卷十 十五

相就不知何者是客也德操年小德公十歲兄事公呼作龐公故俗人遂謂德公是龐公名非也

列女

姜詩妻

詩事母至孝妻盛氏事姑尤嚴姑好飲江水去舍六七里妻嘗沂流而汲一日值風不時還母渴怒詩卽道妻盛寄止鄰舍晝夜紡績市珍羞使鄰母以意自遺其姑如是者久之姑怪問鄰母鄰母具對姑感乃召還其子以遠汲溺死盛恐姑哀默不洩託言遊學姑嗜魚又不能獨食夫婦力作以給呼鄰母共之其

後舍側忽涌泉味如江水每旦輒出雙鯉足供膳赤眉盜每過詩里門必相戒勿驚大孝顯宗時徵拜江陽令

曹世叔妻

世叔妻班氏名昭字惠班高才博學世叔早夭昭持節甚峻動輒軌度兄固著漢書其八表天文志未及竟而卒和帝詔昭就東觀藏書閣踵而成之帝數召入宮令皇后諸貴人師事焉號曰大家每四方貢獻異物輒詔大家作賦頌漢書始出多未能通者馬融嘗伏闕下從昭受讀又作女誡七篇爲萬世閨則云

續史快編

卷十

十六

卒年七十餘皇太后素服舉哀命使者監護喪事

樂羊子妻

樂羊子妻不知何氏女羊子嘗於行路拾遺金一餅還以語妻妻曰志士不飲盜泉廉士不食嗟來況拾遺金乎羊子大慙卽捐之野羊子遊學一年而歸妻問故羊子曰久客懷思耳妻乃引刀趨機而言曰此織自一絲而累寸寸而累丈丈而累疋今若斷斯機也前功盡損矣學廢半途何以異是羊子感其言還辛業七年不返

其養姑也躬勤力作以易食嘗有他舍鷄謬入園中

姑殺而烹之妻對鷄不餐而泣姑怪問故對曰自傷居貧不能備物使食有它肉耳姑遂棄去後有盜欲犯之先劫其姑妻急操刀出盜曰釋汝刀從我者姑全不則殺汝姑妻乃仰天歎舉刀自剄以全姑太守奇之爲號曰貞義

曹娥

孝女曹娥上虞人也其父爲巫祝漢安二年五月五日於江中溯濤迎婆娑神溺死不得屍娥時年十四沿江號哭晝夜不絕聲旬有七日遂投江死未幾抱父屍浮江上縣長度尚奇之葬之江南道傍其弟子

續史快編

卷十

十七

邯鄲淳爲之碑蔡邕過而讀之題曰黃絹幼婦外孫

袁隗妻

汝南袁隗妻扶風馬融女也字倫有才辯家世豐豪資裝甚盛初成禮隗問之曰婦奉箕箒而已何過珍麗乎對曰慈親垂愛不敢逆命君若慕鮑宣梁鴻之高者妾亦請從少君德曜之事矣隗又曰弟先兄舉世以爲笑處姊未適先行可乎對曰妾姊高行殊邈未遭良匹不似鄙薄苟然而已又問曰南郡君學窮道與文擅詞宗而所在動以賄聞何也對曰孔子至

聖象毀武叔子路大賢見翹伯察家君獲此固其宜耳慨然不能屈

皇甫規妻

規妻不知何氏女善屬文能草書時爲規客書記東怪其工規卒時妻猶盛年董卓慕之聘以駢車百乘金帛充庭妻度卓橫難以理諭乃先輕服自詣卓門跪陳情狀詞極酸惻卓怒令侍奴拔刃圍之謂曰孤之威能令四海風靡獨不行於一婦人耶妻知不免輒起立大罵曰若羌胡種妾之先人清德奕世皇甫氏文武上才爲漢忠臣若非其後隸耶乃敢行非禮

續史快編

卷十

十八

於爾君夫人車大怒令以其頭懸車輓敲朴亂下妻謂持杖者曰何不重述盡爲惠遂死車下後人圖其像號爲禮宗

蔡文姬

蔡邕女名琰字文姬博學有才辨尤精音律典平中天下喪亂爲胡騎所獲曹操故與邕善痛其無嗣特遣使以金璧贖歸操嘗問曰聞夫人家先多墳籍猶能憶識之不文姬曰昔亡父賜書四千餘卷流離塗炭固有存者今所誦憶裁四百餘篇耳操曰當使十吏就夫人抄之文姬曰男女之別禮不親授乞給紙

筆與草惟命於是繕書送入文無遺悞嘗作悲憤詩二章詞情悽惋至今傳誦姬先適陳留董祀沒於南匈奴左賢王居十二年生二子操贖歸仍嫁祀

四夷

夫餘國

夫餘國在玄菟北千里北有弱水其域最平敵員欄爲城以六畜紀官官有牛加馬加狗加諸號飲食用俎豆亦知揖讓行人無晝夜歌吟不絕其王葬用玉匣漢嘗預以玉匣付玄菟郡王死則迎取去土出名馬赤玉貂豹大珠如酸棗

續史快編

卷十

十九

挹婁

挹婁古肅慎國也在挾餘東北千餘里土出赤玉名貂有邑落無君長各有大人處於山林之間民人穴居以深爲貴大家至接九椽冬以豕膏塗體厚數分以禦寒夏則袒裸以尺布蔽前後其人臭穢不潔善射弓長四尺矢用楛長一尺八寸青石爲簇中人卽死漢與後屬夫餘

高句驪

高句驪在遼東之東夫餘之南朝鮮之北其言語法則畧與夫餘同而跪拜禮一腳其人潔淨自喜而俗

浮暮夜輒男女羣聚爲倡樂其公會衣服皆錦繡金銀以自飾其婚姻皆就婦家生子長大然後將還便營送終之具又別有句驪國

東沃沮

東沃沮在高句驪東東濱大海其俗葬法用大木擗長十餘丈開一頭爲戶人新死先埋之別所俟皮肉盡乃取骨置櫛中家人皆共一櫛刻木如主隨死者之數其耆老言嘗於海中得一布衣衣形不過中人而袖長三丈又於岸際見一人乘破船頂中復有面又云海中有女國國無男人有神井女子闕之輒生

讀史快編

卷十

土十

子

濊國

濊國在高句驪沃沮南辰韓北東窮大海西至樂浪本皆朝鮮地也武王封箕子於朝鮮箕子教以禮義田蠶又制八條之教其人終不相盜門戶不閉婦人貞信飲食以俎豆其後四十餘世至朝鮮侯準始自稱王漢初大亂燕趙人數萬口避難入其地燕人衛滿乃擊破準而自立朝鮮元朔元年漢君南閭始內屬其俗人死輒簾舊宅更造新居土出錦布多文豹有果下馬海出班魚

三韓

三韓一曰馬韓二曰辰韓三曰弁辰馬韓在樂浪南倭北有五十四國辰韓在其東有十二國與濊接弁辰在辰韓之南亦有二國南亦與倭接凡七十八國伯濟亦其一也馬韓最大土出大栗如梨有長尾鷄尾長五尺以土作室形如塚開戶在上不知跪拜不貴金寶錦綺不知騎乘牛馬惟重璽珠以綴衣及懸之頸垂之耳其壯勇有力者輒以繩貫脊皮縋以大木嚙呼爲健辰韓或名秦韓耆老言其先爲秦之亡人避苦役者居此名國爲邦弓爲弧賊爲寇行酒

讀史快編

卷十

二一

爲行觴相呼爲徒有似秦語故名國以鐵爲貨兒初生欲其頭扁皆押之以石弁辰俗與韓辰同以近倭故多文身者

北史載新羅大畧相似

倭

倭在三韓東南大海中凡百餘國自武帝滅朝鮮通於漢者三十許國國皆稱王其大倭王居邪馬臺國去樂浪萬二千里大約在會稽海東與朱崖儋耳近土出白珠青玉山有丹土無牛馬羊鵲無虎豹矢以骨爲簇男子黥面文身以其文左右大小別尊卑之次其男衣皆橫幅結束相連女人披髮屈紒衣如單

被貫頭而著之並丹朱身如中國之用粉也飲食以手皆徒跣以踣踞爲恭敬人性嗜酒多壽壽百歲餘者甚衆國多女子大人皆有四五妻其餘亦不減二三女不淫不茹渡海則推一人名曰持衰令不櫛沐不食肉不近婦人行吉則資金帛遭患即殺之建武中遣使朝貢使人自稱大夫桓靈間倭國大亂歷年無主有一女子名卑彌呼年長不嫁能以妖術惑衆遂立爲王侍婢千人少有見者唯一男子給飲食傳教令自女王國南四千里有侏儒國人長三四尺自侏儒東南行一年至裸國黑齒國驛使所傳極於

讀史快編

卷十

二二

此

南蠻

南蠻卽今長沙武陵蠻也其君長有印綬冠獬皮冠名渠帥曰精夫和呼爲妣徒其俗男女同川而浴其西則有噉人國生首子輒解而食之以爲宜弟味旨則以遺其君君喜而賞其父取妻美則以讓其兄大約秦所置南海桂林象郡漢之南粵九真皆其地

板楯蠻

板楯蠻者南蠻中一種秦昭襄王時有一白虎嘗從羣虎數遊秦蜀巴漢之境傷殺千餘人昭王募能殺

虎者邑萬家金百鎰時有巴郡閬中夷人能作白竹之弩爲登樓射殺白虎昭王嘉之而以其夷人不欲加封乃刻石盟要頃田不租十妻不算盟曰秦犯夷輸黃龍一雙夷犯秦輸清酒一鍾夷人安之入漢高祖既定秦盡復其賦役閬中有渝水其人多居水左右喜歌舞高祖嘗觀之曰此武王伐紂之歌也命樂人習之是爲巴渝舞桓靈時板楯蠻數叛

夜郎

夜郎侯出自竹以竹姓漢武帝元鼎六年置牂牁郡夜郎侯迎降天子賜印綬尋見殺夷獠咸以竹王非

讀史快編

卷十

二十三

血氣所生甚神之求爲立後太守以聞天子乃封其三子爲侯死配食其父今夜郎縣有竹王三郎神是也其地最貧有枕根木可以爲麪百姓資之桓帝時郡人尹珍者自以荒裔不知學問入從汝南許慎應奉受經書圖緯學成還鄉教授於是南域始有學

滇

滇王者莊蹻後也元封二年武帝平其地爲益州郡後數年復并昆明地悉以屬之郡有池周圍二百餘里水源深廣而未更淺狹有似倒流故謂之滇池上平敞多出鸚鵡孔雀有漁鹽金銀畜產之富俗尚豪

伏官其地者皆富及累世肅宗時有神馬四匹出漢池

哀牢夷

哀牢國建武中其王賢栗遣兵乘薄船南下江漢擊鹿麋鹿弱爲所獲天忽震雷飄風狂雨水爲逆流翻涌二百餘里薄船皆沒哀牢之衆溺死無數賢栗怒遣其六王將萬人合攻鹿麋與戰盡殺其六王哀牢人埋六王虎復出其尸食之於是衆驚懼引去賢栗惶恐謂其國人曰吾曹入邊塞自古有之今攻鹿麋而被天誅中國其有聖主乎遂求內附光武封

讀史快編

卷十

二四

之士沃美其產有罽毼帛縵繭于細布織成文章如綾錦又有梧桐華織以爲布幅廣五尺純白不受垢其竹節粗去一丈名曰濮竹又有光珠琥珀水精琉璃蚺蟲蚌珠孔雀翡翠猩猩之屬雲南縣又有神鹿二能食毒草

邛都

邛都夷武帝所開置邛都縣未幾而地忽陷爲汗澤因名邛池池南人以爲邛河又改名越嶲郡相傳其國有禺同山山有碧鷄金馬光景時時出見又有祚都夷亦武帝所開其俗言語多好譬類土出長年神藥

仙人山圖居焉山圖仙人名

冉驪

冉驪夷亦武帝所開土氣多寒盛夏水猶不釋夷人冬則避寒入蜀爲傭夏則反其邑累石爲室高者至十餘丈有旄牛無角一名童牛肉重千斤毛可爲毼出名馬靈羊又有食藥鹿鹿麋有胎者其腸中糞可療毒又有五角羊麝香輕毛豚鷄猩猩又其地有鹽土灰土爲鹽麇羊牛馬食之皆肥

西羌

西羌出自三苗姜姓之後羌有無弋爰劍者秦厲公

讀史快編

卷十

二五

時曾執爲奴隸後亡歸秦人追之急藏嚴穴中秦人焚之有景象如虎者爲之蔽火得免諸羌見爰劍被焚不死怪以爲神遂共推爲豪羌人謂奴爲無弋以爰劍嘗爲奴隸故名之無弋爰劍之曾孫二忍舞忍生九子分九種舞生十七子分十七種羌之盛自此始其後先零桀桀當今居三姐之類皆是子孫至百五十種元初元年羌零昌種寇益州龐參等禦之不利事聞詔任尚討之尚行虞詡進曰使君頻奉國命逐賊三州屯兵踰二十萬勞費日滋而未有功效若此出不克誠爲使君危之尚曰奈何詡曰兵法弱